

14
15

DISSERTATIO MEDICA INAUGURALIS
DE

PERIODIS ACU- TARUM, SINE CRISEOS EVENTU, EXQUISITIS.

Quam

FAVENTE DEO OPTIMO MAXIMO
RECTORE MAGNIFICENTISSIMO,
SERENISSIMO PRINCIPE AC DOMINO,

DN. PHILIPPO WILHELMO,
PRINCIPE BORUSSIÆ, MARCHIONE BRAN-
DENBURGICO, CETERA,

GRATIOSISSIMÆ FACULTATIS MEDICÆ CONSENSU,
SUB PRÆSIDIO

DN. GEORGII ERNESTI STAHL,
MED. D. ET PROFESS. PUBL. ORDINAR.
h. c. FACULT. DECANI,

DN. PATRONI AC PRÆCEPTORIS SUI OMNI OBSERVANTIÆ
CULTU PROSEQUENDI,

PRO LICENTIA

Summos in ARTE MEDICA Honores, Jura & Privilegia
DOCTORALIA rite ac legitime capeßendi,

d. Mart. A. MDCCVIII. horis ante & pomeridianis

IN AUDITORIO MAJORI

Publicæ Eruditorum Disquisitioni sistet

MAURITIUS ANDREAS SULTZE,

BEROLIN. MARCH.

HALÆ MAGDER LITERÆ CUP. NEMEN



PROOEMIUM.



Uemadmodum de Me-

dicina rectissime utique dicitur, quod superstructa esse debeat Experientiae & rationi, ita cum tamen experientia non exiguo rerum numero ita innitatur, ut nisi illum satis exquisitè conquirendo assequi

contigerit, vana sit omnis spes boni successus in nexu illarum rerum invenièdo, quarum rationes investigare ita animo conceperis: Est proinde ante omnia necesse, ut talis investigatio instituatur, quæ hisce scopis ita satisfaciat, ut partim plenus numerus sine quocunque defectu, expleatur: partim ordo etiam nihil interruptus, mutuarum consecutionum, etiam simpliciter historice, & ut in ipso facto sese habere solet, sine ullo defectu observetur. Cum autem hæc res, observatio inquam rerum, uti revera ipso facto existunt & sese gerunt, non possit aliunde nisi è vivis exemplis, ex ipsa inquam Praxi clinica, oculari inspectione atque examinatione ægrorum, comparari; Interim non solum hominibus, qui exercendæ Medicinæ jam diu se addixerunt, non semper favet occasio, ut in numerosa Praxi versari

possint; imo vel in Praxi tali sæpe tamen usu veniat, ut non tam æque sub multis individuis ægrorum multas etiam species morborum reperiant: Tanto magis autem illi qui Medicinam perdiscere allaborant, hujusmodi experientia potiri minime possent: adeoque omni veluti fundamento destituti, ipsa demum Praxi initium discendi facere deberent. Sed non ita agitur cum rebus humanis, ut tanto periculo ægrorum unusquisque Medicinæ studiosus sibi demum propriam experientiam simpliciter conquirere necesse habeat; verum prostat utique à multis jam seculis farrago non exigua hujusmodi annotationum, quibus comperta non solum ab uno, sed à multis, imo plurimis eodem modo reperta, adeoque plurium seculorum jugi consensu confirmata, abunde instruere possunt discentes, ut nihil nisi applicare has observationes ad ipsa exempla sibi posthac occurrentia necesse habeant, pro confirmatione etiam propria experientiæ ab aliis fide dignis testibus acceptæ, consequenda. Sicut autem hoc intuitu, & vera tali harum rerum constitutione, ab omni humana ratione alienum esset, ab homine non plane bardo atque stupido exigere velle, ut ille per totam suam vitam, non solum in qualibet specie morbi, sed etiam per quælibet individua, quæcunque illa eadem specie laborantia ipsi numerosis vicibus occurrunt, toties quoties observationes instituat, ægro ad fastidium affideat, & nisi fastidiosus ejusmodi laboribus, de vera indole affectuum certior esse nunquam possit: cum certe in hoc etiam negotio, non solum dictante simplici ratione, sed etiam docente quotidiana penitus experientia, quisquis ad has res recte percipiendas, neque
tot

tot autorum annotationibus, à longissimo tempore ita factis, nec aliqua multa propriæ Praxeos observatione, plerasque harum rerum non solum rectissime comprehendere, sed etiam vel ad unguem, quod ajunt, pernoscere non valet, ille tam à memoria quam à judicio sine omni dubio ita in solidum ad has res ineptus fit, ut etiam in seros usque ætatis suæ annos inhabilis maneat ad percipiendum veram talium rerum indolem & reciprocam diversitatem: ita est tamen omnino etiam talis adhuc in affectib9 non solum multis, sed etiam fonticis omnino ita varia adhuc non solum diversitas, sed revera etiam difficultas, penitioris veluti eorum indolis, ut nec ab antiquitate satis exquisite tradita aut exculta, nec propria posteriorum industria ita sufficienter elaborata sit tota res, ut difficultates ejus decenter sublatae essent, aut genius verus tanquam de integro explanatus. In quo quidem genere offert sese luculentum illud offendiculum, quomodo omnia simpliciter, & imprimis exquisite, antiquitati tribuendo, nedum imperite penitus hoc ipsum suscipiendo, quasi necessario deinde lacunæ tales restant, uti ex illis nunquam explendæ; ita si insuper propria observandi occasio aut habilitas desit, ne quidem usquam subodorando animadvertendæ. Non jam placet, nec omnino fert nostri propositi ratio, altius in harum rerum commemorationem excurrere; interim brevibus etiam multum dixisse intelligent cordatiores, si pro latissime patente & amplissimo vere, harum rerum specimine allegem ipsas FEBRES: utpote circa quarum indolem, etiam juxta nudam veram plenam historiam, nedum discretionem mutuam, aut ætiologiam denique, clini-

co-historicam solum, nedum physico-pathologicam, quam nihil ad rem dixisse videantur veteres, non solum magnæ, sed etiam præcipuum sibi arroganti recentiorū cohorti, sunt utiq; documento manifesto, tam disidia, uti quidem verbis maxime urgent hi ipsi tanquam è diametro passim à veteribus aliena: tum etiam multis locis atque modis à se mutuo quoque dissentientium horum ipsorum pugna. Neque tamen hanc quoq; in rem diffundi nobis est integrum, aliquid tamen, neque certe postremum, ex harum rerum censu desumere placet, SPECIMINIS INAUGURALIS loco, publicæ considerationi commendandum, nempe veram historiam & indolem *λυσεως* FEBRIUM ACUTARUM, ET PERIODI EXQVISITÆ, non stricto famoso sensu CRITICÆ.

Quod quidem negotium, non solum ad veram historiam, sed penitus ad veram Therapiam harum, Febrium penitus necessarium ut condigne evolutum dare valeamus, divinæ veritatis benignissimam directionem & instructionem mentis nostræ, viriumque subministrationem, serio exoramus.

I.

F*ebrium*, imprimis vulgato nomine *acutarum* historia, & ex illa multiplex *divisio*, cum à Veteribus velut abundè tractata visa sit posteriorum ævorum successoribus; coorta cumprimis posthac aliunde, sed latissimè patente, simpliciter ad formulam præscriptam consentiendi veluti consuetudine: tam parum proinde porrò elaborata est in illis partibus, quæ à Veteribus planè luculenter traditæ, in iò potius prolixè tractatæ, quin inculcatæ non repertæ sunt, ut vel ex hac una re decenter obfer-

fervata, tanquam ad a nullum, deprehendi possit, quam strictè antiquissimis vestigiis inhærere cordi habuerint posteriores, dum absolute eadem methodo, qua illi Coryphæi, quicquid illi breviter & veluti strictim solum memorarunt, hoc idem posteritas etiam, tanquam leviter solum attingendo, persequatur; quicquid illi *diffusè* pertractarent, hoc idem hi quoque *prolixè* distrahant: Posset forte adhuc addi, quicquid illi *confusè* agitent, hoc idem hi adhuc magis implicarent: Quod quidem de recenti schola medica etiam audacter asseverare integrum est.

II.

Ut confirmem quæ locutus sum, citabo *tria* circa hanc rem specimina. Nominat quidem etiam hic illic expressis verbis, tam *Hippocrates*, quàm imprimis *Galenus*, uno autem ore posteritas, *Febres acutas*. Interim habet *Hippocrates*, tum alibi passim indefinitam illam locutionem, *οἱ ὀξείας, τὰ ὀξέα*, quæ interpretes sine controversia de *Febris* exponunt: sed profert insuper disertissimis verbis, libro *de victu in acutis*, circumscriptionem illam animi omni adversione certe dignissimam: *τὰ ὀξέα τῶν νοσημάτων - - - ὧν οἱ πυρετοὶ - - - κτείνονται* &c. Jam cum illo ipso loco sermonem propriè habeat de talibus affectibus, quos usitatis simul nominibus ipsis describit, nempe re ipsâ *viscerum inflammationibus*; prudente verò animi discretione, utique, non solum facile dignosci possit, quod *inflammatio* & *Febris* sint res *diversæ*; sed etiam, quod *inflammatio* in *visceribus* longè majoris periculi, & certius omnino compos sit *funestus* effectus, quàm *Febris, quæ talis*: potest inde facile certe colligi, quid voluerit intelligi *Hippocrates* per illam locutionem: *acuti morbi, ὧν οἱ πυρετοὶ, quorum*, cum quibus conjunctæ, quibus supervenientes, *Febres* ut plurimum *occidunt*. Dum utipue *Inflammatio* simpliciter & quæ talis, *Febris* (loquimur autem de vero recepto sensu, *universalis commotionis*, non somniis quibuslibet,) consortium nequaquam infert.

fert. Cum autem *Febris*, qualis hujusmodi *internis* inflammationibus adjungitur, utique sit evidentior ad ipsum sensum, quàm v. g. *lateris inflammatio*: factum hinc est non solum, ut vulgus hominum à *potiori sensuali* faciant denominationem: sed omnino etiam *Hippocrates* hac locutione disertè τὸ κτείνειν apponat τοῖς πυρετοῖς: Cum tamen omnibus quasi *sensibus* manifestius sit, quod ille *lethalis* eventus, *inflammationis* malè cedentis, & dissipationem respuentis, potius sit, quam *Febris*; utpote qui omninò inevitabili successu eventurus esset, talium partium inflammationibus *discussionem* non subeuntibus, & *puris evacuationi* minus idoneis, à mundificatione, & propemodum absolute necessitatia externa ope, velut absolute alienis, si quàm maximè nulla *Febris* cum illis concurreret. Interim illud, quod adhuc circa hanc acceptionem à sensu rei ipsi verè innixo aliquatenus dissidens, certè à communi usitatâ interpretatione & exquisitiore acceptione, alienum, est hoc, quod appellatio *Acuti*, tanquam propriè ad *Febres* transfertur; cum satis, tam ex ipsa rei natura, quam è verbis *Hippocratis*, dilucescat, quod hoc *attributum ACUTI*, potius de illis *ὑσθήμασιν* dicatur, ὧν οἱ πυρετοὶ, quorum sunt illæ febres. Ubi profecto non indigna est notatu etiam ipsa hæc res, quod *Hippocrates* hoc ipso loco disertis verbis eloquatur, quod illi morbi, quos *Veteres acutorum nomine complexi* sint, *sint tales* &c. Ubi cum hanc appellationem omnino à *Veteribus* acceperit, meritò locus adhuc esse possit dubitationi, an illi quoque revera pariter ita hoc senserint, quod hic porro proloquitur *Hippocrates*, quod potius *Febres* istæ occidant, quàm ipsi morbi, quorum sunt hæc *Febres*. Nisi quod utique errorem hujus acceptionis etiam illud maximopere foveat, quod utique omnes *Febres acutæ*, & *acuto tempore* lethales, sint *cum inflammatione* conjunctæ: Quæ si radices non agat, aut ad periculosum: corruptivum sui effectum perveniat, *Febres* illæ etiam per se non sint funesto eventui obnoxia.

Interim autem è vera harum rerum æstimatione, manifestò utique dilucescit, quod perperam tota acceptio Scholæ medicæ simpliciter hoc tribuat 'ipsis febribus', nempe τὸ κτενωδες; cum hoc nec ipsarum sit *Februm*, sed *inflammationum internarum*: Neque, si *inflammationes* illæ, & earum *sphacelose* corruptiones, verè & in solidum abint, ulla usquam *febris* species, è reliqua sua PROPRIA indole, & suâ quod ajunt *Essentiâ*, sit κτενωδες. Ubi simul notari omninò meretur illa sine dubio ex hoc ipso Hippocratis textu, sed omnino tamen tacitè, transsumta, applicatio nominis ACUTI, in ipso censu *Februm*, non simpliciter ad *exitum parvo temporis ambitu* circumscriptum; tali enim intuitu essent utique ad *acutarum* summum gradum referendæ quælibet *Ephemera*, quod neminem adhuc Medicum fecisse recordamur: sed omninò ad exitum intrâ *parvum temporis ambitum* FUNESTI EVENTUS compotem. Ubi tamen, per dicta, falsò imputatur *Febri*, quod eius *directæ* indoli plane non incumbit: imò potius, vera *febris Pathologiâ*, illi absolute non convenit, sed ab illa è diametro alienum est.

IV.

Secundum specimen nondum liquidò in tota scholâ Medicâ evolutæ, nedum constitutæ, *veræ indolis* Febrilis est *vera atque solida historia Clinica Criseos*. De hac enim ut ab omni antiquitate nihil nisi perplexa ad posteritatem transmissa sunt, *commenta* propemodum magis, quam *fragmenta* verarum constantium observationum, ita nemo, nisi qui pariter omnia nesciat, nescire potest, quam perversè hac res in hodiernum usque diem accipiatur à maxima Medicorum parte, etiam rerum suarum de reliquo, *solertia* æque vigili, atque *doctrina* & *experientia*, compotum: Nedum his omnibus rebus destitutorum. Sicut enim pro hac re verè explananda sciendum erat, de quo subjecto *proprie* sit sermo? de quâ, inquam, *Crisi*; & de quibus *Febribus*, talis Criseos compotibus: imò denique pressius, quo *respe-*

At demum, quæcunque tandem fuerint tales *febres*, de illis propriè sit sermo: Ita certè, quamdiu quæstio uniuersa non secundum hanc plenam *restrictionem* adornatur, nullam ejus, in veris terminis, etiam *solutionem* fieri, non potest mirum esse. Nempè hoc sensu, qui in hac quæstione versatur, sermo est de *Eccrisibus*, non solum *uno certo die*, imò in *verâ* sui *ἀνεξέσται*, *horis omnino certis, per peculiare evacuationes, simul & semel* contingentibus; sed etiam cum ita SALUTARI effectû, ut hoc ipso actu, morbus totus *reuerà expugnetur*: & hoc quidem tantò certius, quantò *vegetius & alacrius* excussio hæc, (non tamen *intemperanter & planè præcipitanter*) perpetratur. Hoc, inquam, sensu, sermo ita est de Febribus, *an dentur veræ species Februm, quibus hoc specificè proprium sit, Crisibus talibus absolvi, illis, & non aliter, salutariter* exire? aut contrà: An utique tales Crises, etiam tanquam *accidentaliter*, Febribus superveniant? Quo *respectu* adeò hoc ergò fiat? an, etiam, ita *accidentaliter*; promiscuè *quibuslibet*: an vero omninò tamen *certis* Febribus, tales Crises competant? Secundùm hos inquam veros constituendæ hujus quæstionis *limites*, ubi illa in hodiernum usque diem resoluta sit, (præter ea, quæ, ut ipse fatetur, in hoc scribendi genere tumultuario, nequaquam exquisitè pro tota dignitate objecti, deduxit D. D. Præses, Disp. de *Acrisia in febribus*,) ingenuè fatemur nos latere.

V.

Tertium harum rerum specimen, est illud, quod in præsentia pro *Specimine Inaugurali* exhibendo elegimus; fororiorum omninò huic modo exhibito secundo, sed ausim dicere adhuc minus exquisitè, quod tamen non magis postulat, quam meretur, in doctrina medica usitata determinatum. Est hoc *exquisita Periodus, statis temporum mensuris planè definita, continuarum febrium*; quæ tales, omninò *sine Crisi, stricto illo sensu sumpta, ambitum suum ita absolunt*, ut passim *reuerà satis exquisitè* secundùm has *mensuras*

furas, non solum *initia salutarium* exituum facere incipiant: sed etiam *termino* ejusdem, & *plenioris*, & *constantioris* salutaris eventus compotes fiant.

VI.

Hujus rei, certissimum est, plurimam quidem mentionem factam esse ab ipsis antiquissimis, & ex his ipso etiam *Hippocrate*; translata etiam illam satis studiosè ad ipsos usque nostros dies: Interim est utique etiam nihilo usquam minùs certum atque manifestum, quod nec ipse *Hippocrates*, neque posteriores, hanc ipsam rem condignè secundùm verum sui habitum evolutam dederint. Quod quidem de *Hippocrate* tantò minus mirum est, cum ipse magis *historiam* solam affectuum commemorare, quàm quaslibet illorum *discretiones* prosequi, propriè cordi habuerit: Interim *Galeno*, exquisitiorem Hippocraticarum traditionum *explicationem* aggresso, videtur revera etiam obstitisse præjudicium illud, ac si *Hippocraticis* (& è quibus ille certissima quæque probabiliter collegit, *antiquiorum*,) observationibus ita simpliciter inhærendum esset, ut etiam, quæ ipsi non *discretis* verbis reliquissent, vel *addere* solum, nedum in sensum, rebus, uti reverà reperiuntur, commodiorem, decente deductione flectere & convertere, piaculum foret.

VII.

Perplexam autem perpetuò habuit totam hanc rem, indiscreta illa commemoratio *acutarum Februm*, *Crisum* atque temporum *κρίσεων*, & *periodorum* febrilium citrà *veræ criseos energiam*, tamen *salutariter* exeuntium.

-IIX.

Confusio enim certè, ut rem vero nomine appellemus, est, quæ totum negotium veritatis *strictè* dictarum *Crisum*, in hodiernum usque diem tanquam perpetuis tenebris immerfit, quod non solum morborum *acutorum* cum *Febris* accessoriis, sed etiam *Februm* adhuc magis primariarum, *brevi periodo*, & inprimis *stato*, exire solitarum, nulla ex-

pressis verbis determinata *distinctio*, verè constituta atque stabilita observatur; sed inprimis etiam ipsa hæc, *strictè* dictarum *Crisium* conditio, imò veluti ditio, non debite finita, & veris suis limitibus comprehensa habetur; nempe ubi reverà *Crises* expectare ita conveniat, ut tanquam per illius morbi aut Febris *essentiam*, certò evenire, debeant quomodo se tunc genius & successus *affectus* etiam reliquus, habeat atque gerat? An, inquam, tunc nihil quidquam, quod aliàs *αἰσιν* simul haberi debeat, (ubi *Crises* eveniunt,) in his talibus *periodis* aut *successibus*, considerandum veniat?

IX.

Quamvis autem utique impossibile sit factu, citrà huius confusionis solidam extricationem, etiam uni harum rerum, & inprimis nostro proposito, satisfacere; Quia tamen non æque universas has res ex instituto exsequi nobis incumbit: sed illam unam antè omnia, quam nobis proposuimus: Ita servabimus ad minimum hunc ipsum maximè ordinem, ut omninò quæ huic maximè conveniunt primo loco absolva-
mus.

X.

Antè omnia itaque observandum utique est, quod equidem *Crises* stricto sensu sumitæ, (nam de aliis rebus, sub *Crisium* nomine loqui, mera insipientia est,) omninò contingant *temporibus statis*; & quæ utique à *Crisibus* inde *αἰσιν* dicuntur. Sed, quemadmodum unius positio, juxta Philosophos, non est alterius negatio, ita comprehendere facile fuerit, *duas* esse quæstiones, differentes utique, quamvis interim circà rem unam eandemque: nempe 1) an *Crises*, ubi eveniunt, in febribus, eveniant *statis & exquisitis* quibusdam febris totius *temporibus*? & 2) an febris, etiam citrà *Crisin* strictam, in usu sint *certaine* atque *statae* successuum & exituum suorum mensuræ?

XI.

Imò verò, si paulo magis intendere animum atque solertiam, ut omninò convenit, suscipiamus, reperiemus ex
his

his ipsis diversis considerationibus singularum harum rerum, prognosci adhuc quæstiones super *societate* illarum, seu *respectibus*, quos una ad alteram ita habet. Nempe 1.) an mensuræ illæ *statae*, sint absolutè & directè, *Criseos* ipsius in se, & *quà talis*? an vero 2.) *Febris* ipsius: aut ad summum 3) reciproco respectu iterum α) *Crisis*, *ut cum Febre*: an vero β) *febris* ut cum *crisi*?

XII.

Huic rei, ut decenter satisfiat, meminisse antè omnia oportet, quod *Crisi*, stricta acceptione, nunquam locus sit, nisi in *Febribus*. Benè vero *Febri* locus sit, sine *Crisi* stricti sensus. Cujus rei documentum apertissimum est ipsa hæc quæstio, toties in schola Medica, seu potius inter *Practicos*, non tam mussitando, quàm potius obmurmurando repullulans, *an etiam veræ dentur Crises*? Cum nempe utique compertum quàm maximè habeant, dari *Febres acutas*, sine *hujus sensus Crisibus*.

XIII.

Interim, quam aperta etiam ita apparere possit hæc prima res, pro formanda inde subsumptione illa, certe non levicula, quod *Crisis*, quodocunque cum circumstantiis ipsi maxime debitis evenit, non eveniat nisi in *Febre*: Imò verò, quod huic æquipollet, quod circumstantiæ *Criseos*, inter quas præcipua est *stata mensura* temporis, nunquam eveniant, nisi in *Febribus*: Manet tamen adhuc omninò consideratio illa altera, an hæc inprimis circumstantia, *exquisite mensuræ* temporis, etiam in *Febre*, simpliciter & unice sequatur seu comitetur *Crisin*? an verò *Crisis*, hac ipsa maxime circumstantia sequatur *Febrim*: Ita, inquam, ut hæc circumstantia magis propriè sit *Febris*, etiam sine stricta *Crisi*?

XIV.

Licet autem hanc rem vera *Febris Pathologia* luculentissimè & promptissimè expediat, monstrando nempe, quod

utique universum *Febris* negotium consistat in *excretionē* rerum noxiarum; siue illa *placide* magis obsequatur, ut *successibus* expelli possit: siue tanquam ad *unitam vim*, resistat, & ultimo quasi *conatu* demum, seu *connisu*, depellenda veniat: erit tamen commodum, methodo rerum Naturæ maximè conformi etiam hic insistere, adeoque ad historiam ipsam seu experientiam respicere.

XV.

Est autem hæc iterum, in omnium Praxeos cum qualicunque etiam, nedum cum debita solertiâ, compotum, ore & unanimi consensu, quod nempe *Febres acutæ*, etiam ita, *stricto* illo sensu, *ἀγγιτοι*, (ut inde etiam *dubitatio* illa invaluerit, *an revera dentur Crises?*) tamen omninò fervent tempora *Critica* aliàs dicta: nempe non solum, uti quidem sciunt veri Practici, *indicatorios* dies, in edendis signis *coctionis*: sed etiam ipsos inprimis *septenarios*, *prima*, *secunda*, *tertiâ* periodo.

XVI.

Maximo vero omninò jure provocare etiam hic licet ad illud phænomenon practicum (quod etiam Disp. de *Acrisia* commendatum est) quod non solum multi mortales, qui *febribus acutis* moriuntur, mortem ipsam inprimis subeant *circà* dies *Criticos*; ita, ut vel *sexto*, *tyrannico* inde dicto, vel ipso *septimo*, vel sub finem *septimi*, moriantur: verum etiam cum talibus circumstantiis atque phænomenis, quæ reverà, si sine omni præoccupatione æstimentur, *conatus* quosdam, *apparatus criticos* repræsentent, successu solum debito destitutos. Utpote cujus rei si justa ratio habeatur, facilis utique fuerit decisio quæstionis *famosæ* ipsius, an utique, si non æque faciles *salutares Crises*, tamen *apparatus* ad illas, *molimina* atque *conamina* pro illis perpetrandis, satis sæpè occurrant, licet *rariùs* feliciter succedant aut *exeant*.

XVII.

XVII.

Sicut autem ita elucescit, præsertim communi experientia teste, quod *Febres*, etiam sine *confessa* crisi, tamen *periodos* tales sequantur, quæ etiam *Crisi*, si quæ subest, locum quasi proprium præbent; ita, antequam ipsa *ætiologica* huius rei deductione velut ad conclusionem totius negotii propius accedamus, præmittamus prius ipsam utique historicam huius negotii, nempe *Febris* etiam *citra* ordinem adstrictam *Crisin*, usitatam *periodicam* rationem.

XIIX.

Præmittimus tamen velut in parenthesi, breviter, quod utique, sicuti *Crisis*, stricto sensu, & ut *stata periodo* addita, non *intermittentium* aut *chronicarum*, sed *continuarum*, & vulgari acceptione *acutarum* *Febrium* sit consecrarium: ita dum etiam de *periodo* sermonem hic instituimus, de *continuis* his, & usitato nomine *acutis*, proprie loquamur

XIX.

Quamvis hæc ipsa veluti parenthesis, justam novam epenthesein provocet, documento futuram velut omni exceptione majori, quod *periodus septenaria*, quæ maximè alias *Critica* agnoscitur, *Febribus quæ talibus*, & minime quodque *criticis*, adeoque sine respectu etiam ad *Crisin*, competat. Est autem hæc Autoritas ipsius Magni *Hippocratis*, (licet illam res ipsa non æque confirmet, si stricto sensu famoso accipiantur,) nempe, quod etiam *Febris tertiana septem* paroxysmorum *periodo* absolvatur. Cum enim nec apud *Hippocratem*, nec usquam aliàs, quod sciamus, observatum occurrat, quod *Tertiana*, stricti sensus *crisi* solvatur: Multò minùs, quod *Crisi* illa, *septima periodo*, de qua loquitur, eveniente hoc fiat: Est utique hinc spontaneæ consecutionis, quod hæc *periodus septenaria*, huic febri *simpliciter* propria esse debeat, *sine ordine ad Crisin*.

XX.

Secundùm hæc ita se habentia, est utique, tanquam *historicè*, de hac *periodi* febrilis indole propria, sciendum, quod Febres *continuae*, præter *Hecticam* omnes, & inprimis quidem quæ, vulgato loquendi usu, *acutarum* nomine veniunt, evidentem talem circumscriptam *mensuram* decursus sui ita sequantur, ut per *septenarios*, & horum *medietates tertios & dimidios*, (quod in *quartum* cujusque septenarii incidit,) has tales mutationes exferant, ut vel *spem luculentior* legitimi exitus exhibeant: vel ipsum *exitum* sui, inprimis *salutarem*, admodum *sensibiliter*, imò verò subinde prorsus *evidenter*, exhibeant. Ita quidem, ut inprimis *intermedii* illi, *quaternarii*, indicia boni successus, per ita dicta *signa coctionis* conspicua, exhibeant: *Septenarii* vero ipsi, partim sensibilem *euphorie* perceptionem, qualis & quanta præcedentibus diebus, quin ipso hoc toto die, non fuerat, introducant: partim, remissione *caloris & pulsus*, partim *quietis*, imò *somni* reversione: partim *sitis & inappetentie* imminutione, beneficam suam energiam testentur. Tantò magis autem hæc omnia *proximo*, & post hunc *sequentibus*, diebus, ita in melius augescant, ut in omnes sensus incurrat, ab illis maximè diebus, mutationis *in melius* verum initium processisse.

XXI.

Famigerata hoc maximè nomine hinc fuerunt Practicis, ab omni antiquitate *signa coctionis*, eorumque *primus* quasi comparandi terminus, *quarta* die primi ipsius septenarii. Jam si hæc benè constituta compareant, est, consentientibus ab omni antiquitate Practicis, major fiducia, futurum esse non solum *in genere*, securè *felicem* exitum; sed etiam *in specie*, ipso hoc primo *septenario*. Non quidem promiscuè, quacunque post *quartum* die; sed magis velut exquisitè *septimo*, & à *septimo*, ultrà procedentibus: Nempe *augmento* hujusmodi *euphorie*, non autem æque postero-

rioribus talibus diebus indifferenter, sensibili demum euphoriae initio.

XXII.

Imò verò, differunt potius huiusmodi affectus, ulteriore mensurâ ad veram euphoriam, ea ratione, ut, nisi ab ipso *septimo*, *initia* satis manifesta sumserit, non solum nihil antè *undecimum* bonæ spei capeßere sit integrum; sed etiam nec ipso quidem *undecimo* aliquid solidi aut *securi* expectare liceat: sed demum *decimus quartus* sincerioris euphoriae quasi vadimonium det: Et quidem non simpliciter, ne quid *pejus* amplius eveniat, sed etiam ut sensibilibiter in *melius* progrediatur totum negotium. Notandum enim illud meritò est, (quod etiam peculiari Programate explicuit D.D. Præses,) quod etiam *nona* dies, vulgatissimâ infamiâ laboret; nempe unanimi consensu hominum, à constante traditione profecto, quod nonus dies sit *metuendus*: unde nusquam ab illo expectatur, ut *positive boni* quiddam præstet, sed simpliciter *privative*, ne *noceat*: Neque adeo ab illo die directè expectatur conspicua conversio in *melius*, sed solum *imminutio* certioris veluti *periculi*, quod non solum antè illum, sed juxta receptam opinionem, inprimis *ab ipso*, expectari soleat. Idem fere valet etiam de *undecimo* die, eo respectu, ut, si ille totèrabili patientis constitutione transeat, tantò certior bona spes esse possit, de morbi per ipsum *decimum quartum* felici exitu. Quicquid autem *decimum quartum* etiam excedit, illud vel *languescente* jam universo impetu, ita sensim usque ad *vigesimum* languidè procedendo, dehinc etiam pariter aliquantò languidius ad meliora reversurum expectatur: vel, si etiam tunc demum adhuc *funestus* exitus sequatur, certior est totius decursûs *turbatus* ordo; aut novæ *accidentales* depravationes *motuum & exituum*, sorte aut arte intercidentes, si res accuratius pervestigetur, in culpâ fuisse deprehenduntur, ut liberum suum cursum persequi talis Febris non potuerit.

Est hujus rei exemplum etiam in ipsis maxime *Exanthematicis*, *Variolis*, & *petechizantibus*. Sicut enim nemo adhuc, Medicarum acceptionum quantumcunque mediocriter peritus, ipsas v. g. *variolas*, pro Febre *famoso* sensu *Critica* agnovit; utpote in qua utique nulla *stricti ambitus*, & plus minus *simultanea*, excretio verè *stata*, locum habet: Et quemadmodum hæc per *universum habitum* corporis *indifferenter* erumpentes pustulæ antiquis in sua allegatione *abscessuum criticorum*, adeò non in mentem venerunt, ut licet etiam ipse *Hippocrates*, mentionem injiciat *pustularum* juniori ætati erumpentium, quæ aliqui ita pro *variolis* & *morbillis* accipiunt, ut hinc maxime nota fuisse *Hippocrati* hæc ipsa exanthematum genera, contendere fuscipiant: nusquam tamen certè reperimus, quod illa per modum *criticæ apostaseos* expelli, definiat.

XXIV.

Ita habent interim utique hæc exanthematicæ febres eam *periodum*, ut vel à *tertio indicia*, certè vero à *quarto initia*, eruptionis faciendo, *plenam* hanc nunquam, bonâ fide, *proximo*, aut *altero* die, penitus absolvant, sed sibi constantes, ad *septimum* usque eruptionem *plenam*: & posthac *simpliciter* ad *maturescendum* aptam, evidenter absolvant: Hinc autem ad *undecimum*, *suppurando*, & inde *rumpendo* & *sensim siccescendo*, ad *decimum quartum* usque totam *periodum* expleant. Sicut autem hoc in *tranquillo*, & nihil turbulento, *Variolarum* successu revera hac maxime ratione sese habent; ita, ubi sive justæ eruptioni, sive inprimis succedenti maturationi, impedimentum eximium obtingit, admodum familiare est, nisi planè insolens subsit perturbatio, mori etiam ægros ipso *undecimo die*. Quo, aut exquisitè ad quem, cum in toto hoc affectu nihil utique, quocunque tandem sensu *Criticum* expectari possit; cum nullum nobis succurrat exemplum, quod etiam *maturatio* plena, imò *ruptio* *mati-*
rati

rati *abscessus* ad certos tanquam peculiares *Criticos* dies aut menfuras, stricte alliganda veniat: Ita è diverso, longè facilius hic esse potest *periodica* ratio, ut hujus Febris *statis periodicis* diebus, non tam vera aliqua *crisi*, quam reliquis *successibus* morbo debitis, non ad præfinitum tempus obsequentibus, per hæc ipsa tempora negotium malè cedens penitus dimittatur.

XXV.

Jam de *petechialibus* febribus, unanimis propemodum est auctorum consensus, quod illorum exanthematum eruptio planè nihil *critici* habeat, aut haberi mereatur. Ex eo præcipuè, quod *maculae* etiam erumpentes, quam maximè affatim, quantitate & qualitate saturatiore, *euphoriam* speratam nullam adferant. Interim, licet D. D. Præses prægnantes rationes habeat à multiplici experientia, quod *placida* & nihil importunè *festinata* eruptio horum exanthematum, (per ipsam hanc moderationem, *quantitate & qualitate* æque *leniorum*, atq; intemperantibus artificiis expulforiis, si omnino obsequantur, & quantitate & qualitate immodicâ, posthac parum boni successus admittant, quam variolæ aut morbilli eadem immodestia exagitati) quod, inquam, ita exeuntes hæc maculae, omninò patientes vere *sublevent*: Et, quantumlibet etiam omni jure aliquid ita *periodici* atque *stati* in his febribus agnoscant, ut vel ipsa *eruptio* eo maximè tempore sæpè satis *incipere* demum soleat, quo aliàs *crises* obtingunt præsentiores, nempe ipso *septimo* die: (*Quo intuitu etiam, tanquam secundo, eo sensu crisi æmulam hanc interpretatur eruptionem, ut omninò simpliciter symptomaticæ contradistinguendam asseveret*;) Ita nec est tamen, stricta acceptione, verè *critica* hæc ipsa febris: omnimodò vero ita *periodica*, ut quibus inprimis *maculae* planè non apparuerunt, (*mitiore* affectu, & antea omnia etiam *translatione*, alicubi etiam sub concursante *diarrhœa*) multa exempla observaverit Febris hujus, ipso *septimo* die ita ma-

nifestò in melius conversæ, ut non solum sequentibus, velut *in horas* majorem euphoriam exhibuerit: sed etiam ipsa *nocte* diem hunc secuta, placidiore *quiete*, & *somni* hucusque velut absolute alienati recurstationibus, efficaciam suam *periodicè salutarem* satis ostenderit.

XXVI.

Quid, quod omnino etiam quibus non æque ita conspicua, & planius manifesta obtingebat *euphoria*, *septimo* die, illis sæpenuerò *undecimo* die hoc ita eveniebat, ut hinc usque ad *decimum quartum*, etiam evidentibus *incrementis* ad sensibilem euphoriam egregiè increbescentem fieret progressus. Quod quidem aliquibus, quamlibet paucis etiam, ita ipso *quarto* die contigit, ut vel lectum omittere in animum inducerent, nisi expresso mandato cohibiti, etiam sentientes denique, acuratiùs commonefacti, quod suæ res, è *virium* inprimis sensibili impotentia, nondum securo loco constitutæ existant: cum *septimi* ipsius transitum exspectavissent, velut ad omnem sensum tunc maximè demum experti sunt, quàm parum ille prægressus *apparens* euphoricæ sensus, cum illis *successibus*, qui nunc demum sincere, & veluti passibus alacribus procedebant, conferri meruerit.

XXVII.

Quemadmodum autem hæc res nec apud ipsos antiquos ita absolute clarè atque disertè tradita aut tractata est; Ita nec etiam à successoribus, clarè, & ex instituto, definita habetur. Intervertit nempe totam considerationem hanc justam, intricata illa & perplexa opinio, quasi *septenariæ* periodi non essent, nisi simpliciter & absolute *Critica*, *stricto sensu* sumenda voce *Criseos*; ut adeò, ubi nulla *Crisis* manifesta atque vera sequatur, ibi nulla etiam *his diebus* alia *mutatio salutaris* locum inveniat: aut illi propterea ita *indifferenter* haberi possent, ut, si nullum manifestum appa-

ratum *criticum* ostendant, de reliquo neque *nocendi*, nec etiam ullo modo *utilitatem* præstandi, compotes existant.

XXIIX.

Quæ interim *Opinio* tanto plus incommodi habet ex eo, quod veræ tales *crises*, reipsa neque ullis *Febribus* *specificè* perpetuæ sint; ita, ut quæcunque etiam febres, quæ *aliquando* *crisin* exserunt, innumeris exemplis aliis, etiam citrà *crisin* rectè iterum sanentur: Nec etiam ex ipsis exemplis his numerosissimis, (talibus inquam exitus febrium, quo patientes equidem iterum sanentur, nulla vero proprio sensu *crisis* concurrat) aliud quidquam confici possit, quam hoc ipsum, quod inde per universam posteriorem scholam Medicam factum est, ut nempe vel inutiliter, ne quid de planè stupidis confusionibus dicatur, *crises* illæ à veteribus non nominatæ magis, quam prolixè memoratæ, longè magis *irritis phænomenis*, & passim quidem etiam reverà magis *fictitiis*, quam sincerè reperiendis, adscribantur: vel ingenuè potius confitendo, quod hujusmodi *crises* verè oppidò rariùs eveniant, hoc ipso in dubium vocare totum negotium, *an etiam vere dentur Crises?* Aut ita ad minimum dentur, uti *Hippocratis* locutio præ se ferre videtur, *quod talia tam in Lybia atque Scythia quam in Delo, Co, atque Græcia, eadem semper sint*, & pari ratione se habeant.

XXIX.

Possèt quidem, inquam, etiam hæc ipsa res, quod passim acutæ febres *salutariter* decedant, quantumlibet nulla vero *Hippocratis* aut Antiquorum sensu *Crisis* sequatur aut celebretur, negotio satisfacere; interim cum aliis apparere possèt, quasi mala fide, subterfugiendo, mutare statum questionis in animo nobis esset: qui nempe proprie non in eo versatur, an febres etiam citrà veram stricte dictam *crisin*, *salutariter* exeant: sed an ad ejusmodi exitum omninò qualis-

liscunque fit habitus aut respectus illarum *periodorum atque mensurarum* temporis, quales *crisibus* tanquam strictissime debentur: insitemus propterea omninò pressè huic proposito, asseverantes, quod omninò acutarum febrium *salutaris* exitus, non solum intra *generalem* acutam *periodum*, absolute fieri debeat: sed quàm maximè secundum *quaternarios & septernarios* ita soleat procedere.

XXX.

Damus hujus rei prædes, celebria illa apud omnes Practicos non tumultuariòs, sed doctos æquè atquè peritos, *signa coctionis* in urina. Hæc ut in verè secutura ingenua *crisi*, non possunt simpliciter abesse, quin *indicatoriis* diebus sese fistant: Ita sciunt tamen etiam modò dicti characteris *Practici*, affatim, quod in qualibet febre *acuta*, è qua, in nostris inprimis regionibus, etiam nulla expectari debeat vera *crisis*, tamen si verè acutus, & nihil anomalus, etiam *salutaris* exitus sperari debeat, omninò *signa coctionis*, ipsis *indicatoriis* diebus nihilò magis abesse, aut obscura esse debeant. Unde certè, licet reliqua Uroscopia tale sit negotium, quod propter vix evitandum abusum, Medicus cordatus nimio plus fovere minime debeat: Habet tamen in hoc genere, ad considerandum statum *coctionis*, dispositionis inquam *ad secretiones & excretiones* debitas, usum in *acutis* minimè negligendum: Cum certum omninò sit & immutabile, quod Febres acutæ, in quibus vel primo *indicatorio* die, urinæ non solum nihil *coctæ*, sed inprimis (*præter* externas causas eximiè concurrentes) valdè *tenuës* persistunt, & eadem quidem ratione, uti inde ab initio decubitus, in hac, inquam, circumstantia, fuerunt, certò regulariter sint pessimæ spei: Ex adverso verò, si jam etiam ab hoc ipso die bonæ *coctionis* seu secessionis signa liberaliter præsto sint, ipsius illius *periodi* septenario morbum talem solutum iri,

nc-

neque nisi ab externis, *accidentalibus* forte interversionibus, metuendum aliquid subesse, certissimum existat.

XXXI.

Hæc est proprie constitutio illa peculiaris, de qua Febres vel crisi vel λύσες terminantur: Et quidem omnino secundum idem *tempus*, quod aliàs & vulgò, *Crisibus* tanquam proprium reputatur, quoniam omnino iisdem altrinsecus proprium existit: Ut nempe *Crisis* vera utique nunquam fiat, nisi *exquisitis* illis periodis: Interim autem utique *periodi* illæ propterea non *unicè* ad crises *reciproce* alligatæ sint, ut nullæ existant, nisi ubi dictæ *Crisès* locum habeant.

XXXII.

Rectissimè inquam, uti quidem Practicis peritis atque cordatis notum est, valet de hoc negotio, quod etiam λύσες, tales, *statæ*, diebus inquam illis iisdem, quibus aliàs etiam *crises* eveniunt, quam maximè salutariter obtingant. Nempe *manifesta mutatio morbi in melius*, qualis proximè prægressis diebus nequaquam, nec in tali eodem ægro sentiebatur: nec in aliis etiam *verè*, *usitatè*, & quoquo modo *constanter* evenire sentiatur.

XXXIII.

Ne vero etiam ἀπεράτοις fictionibus hic pateat locus, quæ omnis generis minutias non solum veras & quomodo-
cunque reperiendas, conquirunt, ut ex illis *crisin* exscul-
pant; sed etiam quæ non fiunt aut verè reperiuntur, vanis
extensionibus fingere malunt, quàm ut rem ipsam experiri
possint: Est omnino necessarium simul adjicere veras de-
mum illas *conditiones*, sub quibus unicè, *salutaris* hujusmò-
di verè *periodica λύσις*, & non aliter, locum habeat. Est
hæc autem successiva *placida*, uti *secretio*, ita etiam *excre-
tio*, *materiæ peccantis*, sive in *propria* magis adhuc sua, sive
jam quadantenus *alteratâ*, consistentia.

XXXIV.

Hæc *secretio & excretio*, perpetratur, non tam *promiscuè* quibuslibet diebus; imò neque dierum promiscuis veluti *partibus* aut *successibus*: sed omninò tam numeri *dierum*, quam *horarum* veluti diariarum, specialioribus, & omninò peculiaribus, *opportunitatibus*. Numerus dierum comprehendit inprimis illos, qui mox à primo *indicatorio* ad primum *septenarium* pertendunt; aut ab hoc etiam ad *secundum* usque. *Succensus* autem specialior, &, uti non immerito innuimus, velut *horarius*, in ipsis jam ita restrictis diebus, comprehendit quam maximè rationem illarum horarum, in quas *paroxysmorum* qualiumcunque, in *continuis* præsertim febribus, *remissiones* incidunt.

XXXV.

In his inquam *proprie* temporibus fiunt *opportune* ejusmodi, *successivæ*, & per *vices commodas*, tam *secretiones* quàm *excretiones*; quæ *pededentim* ita subtrahant illud, quod strictè dictis *crisibus*, confertim *simul & semel* excuti aliàs debuisset. Quamvis autem hoc ita omninò satis commode procedat, minimè tamen vel *uno* aliquo tali die, vel etiam omninò talibus pluribus, absolvitur sensibilissima illa *plenior* in melius conversio: quàm ipsis demum propriis *periodicis*, & verè, respectu *ἡμερῶν* plenarum *ἡμερίμοις* diebus, nempe *septenariis*.

XXXVI.

Adeò quidem, ut etiam *signa* illa, quæ Hippocrates etiam ipsi *Crisi* bonæ adsignat, in hujus generis vera *λύσις* salutari, omninò pariter ita sese gerant; nempe illius maximè *Critici* demum diei *nox* fiat manifestiùs *tranquillior*, quam præcedentis cujuscunque: Maximè autem posthac magis magisque manifestiùs, ad sensibilissimam *euphoriam* omnia undique progrediantur. Quamvis enim etiam, si hæc ita ut omninò decet prosperè procedant, etiam de die in diem non obscura planè sit aliqualis *euphoria*; paulo minor, inquam,

quam, quam inde ab initio, *inquietudo, anxietas, agrypnia*, imò totius exacerbationis vehementia: Minimè tamen comparanda est cum illa, quæ ita vere post *septenarios* obtingit, *λύσις* salutari, neque 1) *gradu*, neque 2) *duratione* respectivâ; dum altera quidem illa per *horas* tantum aliquas, usque ad *novum paroxysmum* durat: hæc verò nullas amplius incommodas novas successiones incurrit: 3) *continuatione*: dum aliorum dierum qualiscunque tolerabilior euphoria, minime servat continuitatem: Hæc autem potiùs de die in diem feliciter increbescit, quàm ut denuò, nisi quidem per infauftum accidens, pejus cedere posset aut soleret.

XXXVII.

Quamlibet autem utique hæc ipsa talis in melius conversio, non absolutissimè perpetuò par sit illi, quæ stricte dictis *crisibus* succedere solet; utpote quæ, (nisi quidem *evacuatio critica* per accidentales quascunque causas modum nimium *excefferit*, adeoque *debilitatem* insignem post se trahendo, reliquæ euphorix perceptionem temeraverit,) etiam reverà vel per *horarum* successus magis magisque in sensum incurrit: Sicuti prætereà duo statim indicia sui exquisitissima exserit, 1.) *animi alacritatem* evidentissimam: 2.) *pulsus febrilis* remissionem longè manifestissimam: ita non defunt tamen ipsi etiam illi *λύσις* ita *salutari, periodica, & præsentiora* mox, jam ab ipsis illorum dierum *noctibus*, sensibilioris euphorix, incomparatione ad prægressos dies, indicia, imò testimonia: Et *succedentium* etiam dierum, ad sensum magis magisque augescens harum earundem rerum in melius conversio; nempe 1.) *alacritatis animi*, atque etiam securitatis, adeoque majoris tranquillitatis, ad *somnum* usque pacatiorem: Et 2) *remissioris* æquè atquè vegetioris etiam, si prius debilior fuit, *pulsus*. Quibus quidem rebus uti decrescens *sitis* consecutio, ita etiam *appetitus*, illius quidem postliminiò confurgentis, hujus moderatè resurgentis, vestigia legit.

Hæc res cum *tribus* modis frustrari possit luculentam perceptionem, est omninò cavendum, ne ulli horum vel occasionem præbeas ipse, vel ille aliunde oblata, solertiam fallant. *Primum* harum frustrationum genus, est nuda *opinio Theoretica*, vera Praxeos animadversione destituta, quæ duas perturbationes objicit: dum 1.) per præconceptam opinionem de *necessitate completæ criseos*, quicquid huic non quadrat, simpliciter ut *heteroclitum* reputando, ne quidem fieri *utiliter, posse*, nedum *solere*, sibi concipit: 2.) occæcato hac ratione intellectu quascunque potius circumstantias supponere, imò fingere potius laborat, quam rem, ut in se verè existit, decenter observare & agnoscere.

XXXIX.

Secunda offensio, versatur in eo, quod, cum veræ & completæ *Crises*, reverà sint rariores, imò si quis proinde non in satis numerosa Praxi constitutus sit, occasio ad has res sufficienter perspiciendas, illi non solum *raro*, sed fortè *placere non* obtingant; ut ille hinc totum negotium *ἡλίσσεω* provano interpretetur, adeoque etiam *periodos* septenarias in genere, pro cerebrina quadam re & speculativo magis figmento interpretetur. Interim tamen dari etiam tales viros, Praxi non solum potitos, sed illi etiam solerter invigilantes, qui, quamlibet de *Crisi* vera & perfectâ, assensum plenum præbere dubitent, (negantes, & quidem ex optimis fundamentis *bonæ tractationis* febrium, quod sibi luculenta simpliciorum *Criseω* experientia obtigerint,) tamen veritatis & energię *periodorum* acutarum certissimi existant, multis exemplis notum habeo Præses.

XL.

Tertium, & ferè tam vulgatissimum, quam potentissimum circà hanc rem scandalum, est *perversa tractatio* Febrium, antè omnia per *medicationes*, etiam famosas hodiè;
tum

tam quoque, per *domesticos* ausus, & plebis sciolæ temeraria consilia. In oculos propemodum passim hoc incurrit; moneo autem atque cohortor tanto magis ego Præses, ut hujus rei non magis solers, quam merito sollicita quoque, ratio habeatur, utpote in qua sola vera clavis ad hæc adyta recludenda consistit: Ut videlicet non tam intricatissimum illud negotium, & quolibet labyrintho impeditius, occupetur, disquirendi, *an, ubi, quatenus*, in tractatione Febrilium, tam versipelli atque polymorphâ, per singula exempla, fortè *offensum* esse possit: sed ut, simplicissimâ viâ, verissima autem pariter, & infallibili, observationes circa hoc negotium, instituantur in illis patientibus, (quorum profectò passim ingens est copia,) qui in Febris acutis, in primis *Epidemicis*, citrà ullius, aut certè ullius effatu dignæ, medicationis interventum, terminantur. Nequè quidem simpliciter ad *salutem*, sed in aliis ad *salutem*, in aliis ad *mortem*. E quarum rerum tum simplici *observatione*, tum mutua *comparatione*, tum ad heteroclitos deinde eventus, qui per temeraria artificia consequuntur, *collatione*, non poterit fieri, quin luculenta veritas in oculos affulgeat.

XLI.

Hæc offendicula quando cum debita circumspectione evitata sunt, (quod tamen revera non est superficialii ingenii aut laboris,) tunc demum comparet luculentius, quid *sibi relictae*, & vere *sibi constanti* Febri, competat in hoc ordine, successuum inquam & exituum, *periodo exquisita* respondentium. Quomodo videlicet equidem *excretiones* rerum noxiarum, per motus Febriles secretorios & excretorios, opportunis *successibus*, ab ipsis diebus *indicatoriis* jam sumto initio, usque ad *septenarium* fiant, *placide*, & per *partitas vices*, exonerationes: Et hoc contra methodum veræ *neglectos*, quæ *confertim, uno tempore*, atque *impetu* aliquo potius absolvitur: A *septimo* vero die porro, etiam jam sensibilissime *absoluta*, imò hoc die velut *obsignata*, pleniore

exoneratione omnis noxiæ materiæ, jam sensibilis restitutio euphoricæ locum ita habeat.

XLII.

Sicut autem tota hæc res, per imperitos æque & minus attentos circa ipsa facta & historicam indolem febrium, nedum à solida febrium ætiologia alienos, passim confunditur; imò per veræ ætiologiæ defectum, non potest non confundi: Ita dicendum omninò est de hac re magis ex instituto, & sunt tam notandi, quam declinandi errores, qui in hoc negotio possunt, imò solent, offensiones introducere. Error nempe circa hoc negotium *primarius* est ille, quod contra omnem & *historicam* veritatem solidam, & quæstionis verum proprium nervum atque unicum scopum, fingatur *duplex* talis irrita adfertio; 1.) quod etiam *successivæ Ec-crises* utiles atque *salutares*, vel verè fiant strictâ acceptatione dictis *criticis* diebus: vel 2.) quæcunque tandem *excretiones*, cum qualicunque *euphoria*, etiam qualibuscunque demum *successibus*, magis magisque absolvendæ, contingere sentiuntur, illæ habendæ sint pro *Criticis*, *strictiore* sensu intellectis.

XLIII.

Unde quidem, quicquid usquam *Hippocrates*, latè, *ambiguè*, & nisi quidem cum vera peritâ æque atque prudente discretionem enucleetur, etiam *confusè*, de his rebus usquam protulit, illud ita penitus intricatur, ut loco decernendæ veræ *divisionis diversitatum realium*, potius omnia in *generalem* quandam *τάραξιν* conjiciantur: & jam *fluores* sanguinis per *binarios*, jam *ternarios*, jam perfectæ *Crises* quintæ diei, jam *languidus* successus plurium dierum, ficto tamen contrà veritatem practicam initio à stricti sensus *critico septenario*, venditentur: jam *τελείωσις* criseos, *absolutio* tandem *languidarum* exonerationum, alienissimo sensu, ad *laudem perfectionis*, seu *maximè laudabilem modum* perpetrandæ Criseos, detorqueatur. Quibus omnibus rebus

bu. nōc unum agitur, ut nudæ *historicæ* relationes Hippo-
cratis, quid observatum sit, seu *apparuerit*, evenisse, ad alie-
nissimam intentionem inflectuntur, quasi hæc pro *regula* es-
sent, secundum quam *simpliciter* & *ordinariè* fieri, non tam
solerent, qualicumque eventu, sed *deberent*, *directo* effectu,
excussiones stricto omnino sensu *Criticæ*.

XLIV.

Quæ confusiones ut omnino evitentur, adhuc semel,
tanquam spicilegio complectemur *historicam* tam *enarra-
tionem*, quam *discretionem*, harum rerum: simul autem et-
iam *diversitatem* earundem, tanquam pari *historica* ratione
indicabimus: *Rationem* autem veram diversitatis, & non ma-
gis *distinctionis* mutuæ, quam optimæ *administrationis* di-
versæ, tandem denique subiciemus.

XLV.

Est itaque, verè classico sensu, & meritò distinguendo
ab aliis febrium successibus quibuscunque, *Crisis* ejusmodi
actus, quo, in febre *acuta*, seu *brevis periodi*, *stato* quam
maximo die, *exoneratio* aliqua, *spectabili consensu*, & maxi-
me *vegeto successu*, perpetratur: mediante qua aliquid è cor-
pore, *manifesto*, & satis *largiter*, evacuatur: quod vel *quan-
titate*, vel *qualitate*, corpori molestiam creasse, aut damnum
objecisse, satis luculenter judicari possit: Cujus proinde *ex-
cretionis* talis, *vegetæ* atque *liberalis*, sufficientem succes-
sum, *euphoria* non solum reliqua *prompta*, imò plane *præ-
sentanea*, insequitur: sed etiam ante omnia *Febris*, præsen-
tissimam commotionis suæ *remissionem*, imò ingentibus pas-
sibus *cessationem*, ab hoc principio assequitur. Hanc talem
Crisin notant veri Practici apophthegmate illo usitatissimo,
Nihil paucum esse Criticum: Et monent jam pridem, quod
parvæ excretionis *criticis* diebus emicantes, malæ, aut ad
minimum *infidæ* sint.

Quicquid extra *talium dierum*, *talium motuum*, *talium exonerationum*, *talis euphorie*, *talis cessationis Febris*, impetrationem evenit, id *inane*, imò *infaustum*, quin *pessimi præ-sagii* ducunt. Unde nota sunt in schola Medica encomia dierum, quibus *in genere* quidem, alii *incremento*, alii *statui*, alii *crisi*, alii *declinationi*, tribuuntur, *in specie* verò, ab incremento ad *crisin* numerantur, *indicatorius*, post hunc *vacuus*, post eum *tyrannus*, tunc denique *criticus*. Quas res utilli, qui in dubium vocant, *an verè detur Crisis*, ex uno latere pariter in discrimen addducunt: ita ex altero latere, & quidem uti videri volunt opposito, in idem tamen omninò discrimen conjiciunt, illi, qui *Crises* ita *in quoslibet dies*, quemlibet *ambitum* quantumlibet *segnem*, imò imperceptibilem *successum*, inani speculatione detorquentes, revera abutuntur intricatissimis, si ad veritatem atque distinctionem revocari debeant, hujusmodi locis *Hippocratis*, quibus magis dehonestatur apud iniquiores industrii viri estimatio, quam ut ipsi ulla *auctoritas*, nedum rebus ipsis *veritas*, hinc asseri posset. Cum potius per simplicissimam, methodum hermenevticam, imò verè ipsam simplicem rationem, verus sensus auctoris, aut verarum *rerum* perceptio, è multoties repetita, & multis modis *restrictâ*, harum rerum apud ipsum descriptione, monstrari, imò potius stabiliri deberet: si potius salvandæ ipsius auctoritati litandum esset, applicando nempe ejus traditiones, ad *res* uti *verè sunt*: quàm, vanissimo ausu, *sparsæ* ejus, *fugitivæ*, atque *singulares* quædam locutiones, temerè *pro normâ* assumi, secundum quas fingendum sit *res* se habere, quarum experientiam nullam habeas.

XLVII.

Altera vero *historiæ* harum rerum pars versatur in eo, quod omninò secundum mensuram periodorum *indicatoriarum*, ad *Criticas* vulgò dictas, (nempe quibus *Crises* omninò fiunt, ubicunque verè fiunt) successiones, nempe *se-*
pte

ptenarios dies, successive placide evacuationes ita fiant, ut indies aliquid subtrahendo de tota quantitate materiae morbidæ (sive *cause*, sive *producti* rationem illa habeat,) hac methodo sublevata Natura, ipso tandem septenario plenam *euphoriam* recipiat, & tanquam absoluto tandem negotio, sincerius iterum acquiescat. Hujus rei numerosa exempla habuisse sese profitetur D. D. Præses; Ut nempè omninò in *pe- techizantibus*, quando urina illa, mox inde ab initiis turbida, *quarto* die etiam *sedimentum* deponere incipiebat, obfervatis dehinc decenter reliquis etiam circumstantiis & decen- te tractatione, patientes tales ab illis maximè diebus, *per subsequentes*, usque ad *septimum*, sub *remissionibus* ex acer- bationum quotidianarum, *moderato sudore* eveniente, de die in diem hinc tolerabiliores experirentur novas exacerbatio- nes: simul autem *euphoriam* reliquam, tanquam ad manife- stum planè sensum, eximiam: *septimo* denique die, citrà pe- culiarem aliam *evacuationem* effatu dignam, & ab illa, quæ præcedentibus diebus pariter facta erat, vel quantitate, vel qualitate insigniter differentem, posthac talem *euphoriam*, manifestam assecuti sint, ut non solum statim illam *noctem* quietiorem habuerint, sed tantò magis etiam *proximo* die, nedum *sequentibus*, & *febris* cessationem, & omnium feбри- lium incommodorum *omissionem* obtinuerint: solâ *virium* recuperatione adhuc expectandâ, quæ tamen revertente ita *quiete*, & *appetitu* quoque denuò gliscente, sic satis prom- ptè colligebantur. Et hæc methodus ubicunque locum in- veniebat, occupabat certissimè omnem proventum *macula- rum*, ut plane nullæ evenirent: Quando vero locum non inveniebat, simpliciter nempè & velut absolute magis; ibi emergens tamen talis *stata* (*moderata sudatoria*) auctior *transpiratio*, promovebat non solum *moderatum* etiam pro- ventum, successum, & eventum, *macularum*: sed erat tan- tò magis conspicua, ab ipso maxime *septimo* die, sensibilis in melius mutatio: ut, cum vel à *quarto* ad *septimum*, vel

(&

(& ferè familiariùs,) ipso *septimo*, *maculae*, *parvae*, aut valde *dilutae*, apparuissent, sensibilis planè ægri alleviatio proximorum dierum successibus inde secuta sit. Contra usitatam traditionem scriptorum, qui à *macularum* eruptione patientes nihil juvari, communiter asserunt: quod tamen, nisi forte de solis *pestilentibus* verum haberi possit, de his non planè *pestilentibus*, nequaquam valet.

XLVIII.

Ut verò etiam, omnis confusio funditus tollatur, & imperitis rumoribus, & indoctæ acceptioni *Criseos*, occasio subtrahatur, considerandum est omninò utique, quod *Febris* indoles *absoluta*, tota inquam, ut in scholis loquuntur, *essentia*, consistat simpliciter, in *excretionem materiæ noxiarum*: Et quidem *ordinata* utique, & omninò *temporis* opportuna mensura circumscripta; nempe maturitati ad *secernendum*, & post justam secretionem etiam *excernendum*, respondente. Interim differentia hujusmodi *effectus* febrilis *generalioris*, omni modo *secretorii* & *excretorii*; & actus *specialis*, *Critici*, fundatur utique simpliciter in eo, quod febrilis quidem *simplicior* exoneratio, intra statæ quidem *periodi* ambitum, justis moderatis *successibus*, absolvi soleat atque debeat: *Crisis* autem certo veluti *termino* ejusmodi periodico, non tam longioribus *successibus*, quam potius vegetiore quodam *continuo actu*, exerceatur & absolvatur.

XLIX.

Quæ res, ut ipsi veritati simpliciter superstructa est; nempe secundum verè solenniore acceptionem *Criseos*, ipsi Hippocrati, seu potius verisimillimè omni jam antè illum ætati medicæ, usitatam: ita tenenda omni modo est, ad evitandam tam omnem frivolum circa has res *confusionem*; tum imprimis imprudentem abusum aliquorum locorum Hippocratis, in quibus ille hujusmodi *febriles excretiones*,
quia

quia utique à Natura fiunt, (nusquam enim *Medico τὸ κρίναι* aut *ἐκκρίνειν* temerè tribuere observatur,) *Criseos* vocabulo, aut *Eccriseos* fortè, designat: Aut omisâ, omnino dècenter, *Criseos* appellatione, saltem qualescunque *evacuationes* in Febribus *proficuas* commemorat: quas, quia *Crisēs* etiam *evacuationibus* absolvuntur, imperitè propterea *Crisibus* simpliciter assignando, *generalis Februm essentialis efficacia*, cum specialissimo connisū *Critico* confunditur.

L.

Nec verò eo magis etiam, ex hoc ipso fundamento, confusione huic occasio permitti debet; ab illo Febri potius *ut febrī*, quàm simpliciter *Crisi* speciali, competente phænomeno, nempe *periodo* intra certorum dierum ambitum comprehensa. Sicut enim strictæ acceptionis *Crisēs*, secundum omnes inde ab Hippocrate exquisitiores Commentatores, ita absolutè ad specialissima tempora, *dies* inquam *certos*, (imò potius *horas*,) pertinent, ut etiam proximus *dies antecedens*, pessimi ominis, & proinde *tyrannus* nomine, habeatur, in primo maximè septenario: *tertius* autem ante illum, etiam *vacui* nomine notetur: Ita ex adverso febrilis *genera-
lior*, *essentialis* tamen utique, exoneratio *successiva*, fit maximè his diebus, jugiter usque ad *septimum*. Ita, ut illo ipso, nequaquam nova, imò ne quidem certo *plenior*, harum evacuationum veluti absolutio, contingat: sed potius simplex, tanquam penitus absoluto jam penso, *requies*, verè, inquam, *ἔνθα* (sit venia verbo) acquiescentia.

LI.

Et hæc est illa, insignis utique, diversitas, secretionum & excretionum, quæ febrī simpliciter *quæ tali* conveniunt; & strictiore sensu, imò plane proprio, *Criticarum*. Neque hoc solum, sed temporis etiam, simplicius *periodici*; omnino tamen *septenarii* ambitu circumscripti: & simpliciter at-

E

que

que stricte *Critici*. Imò , *modi* etiam exoneratorii; qui in febre, intra suam periodum est omnino *successivus*: in *Crisi* vero, parvo ambitu, aliquot horarum, *simultaneus*: in periodica tali febrili *successiva* exoneratione, *successivam* etiam *tolerantiam* meliorem, septenariis autem manifestam plenioram *euphoriam* præ se ferens: in *Crisi* autem vera, *euphoria*, non nisi manifestissimam *vegetiorem* exonerationem, aut, rarissimis exemplis, peculiarem præsentaneam *mutationem* secum ferens.

LII.

Ufus, qui ex his veris considerationibus redundat, antequam declaretur, poterit adhuc considerari *historia* velut ejus, inprimis in *exanthematicis* illis febribus, *Variolis*, *Morbillis*, *Petechiis*. Sicut enim in his omnibus atque singulis, *excretio* etiam quantumcunque facta, propterea tamen non simpliciter & absolute *tollit Febrim*; utpote quæ non solum usque ad *maturationem*, pristinum, sed sub hac prope modum majorem adhuc, gradum servat: (Dum etiam, quamdiu *retrocessioni* materiæ adhuc est locus, non potest omitti directio illa atque detentio circa loca exteriora, ne temerè in totam massam humorum, nedum ad interiora, fiat recursus) Interim omni modo, tota *Febris essentia*, in *successiva* tali atque placida *præparatione*, *perpetratione*, & ad ultimum *conservatione*, hujusmodi *excretionis*, proprie fundatur: Ita quantò magis tamen hæc *excretio*, *placide* atque *liberè* procedit, eo certior est etiam sensibilis *euphoria*, maximè tamen à *septimo* ad *decimum quartum* magis magisque plenioram sui gradum consequens. Ubi tantò magis notatu dignum est, quod etiam illi patientes, qui (modo sine tumultuosissima mala tractatione,) adhuc post septimum *intereunt*, familiariter mortiferum exitum fortiantur ipso die *undecimo*: in quo tamen aliquid ulterius, aut quoquo tandem modo atque sensu, *criticum*, à nemine expectabitur.

Ut nempe etiam hinc locus sit considerationi, quod in hoc negotio non tam ullius *criseos*, quam potius simplicioris *periodi*, *statae* utique, energia sublit.

LIII.

Tantò magis autem illustrat hanc rem Febris etiam non acutæ, *Tertianæ*, verus successus; modò nihil ab ulla importuna arte turbatus, sed simplici continentia tranquilla adjutus. Hac enim ratione, uti *primarium fomitem tertianarium*, vel *concoctio* successiva, vel conveniens *exoneratio* ex ipsis *primis viis*, sublevat, imò sustollit: ita eradicat penitus, ipsa demum *ventilatio diaphoretica placida*, debito paroxysmi *tempore* præstita: Neque vero tam unquam simpliciter *una jugi* sudatione; quam *repetitis*, per tres, quatuor, paroxysmos, ejusmodi sudoris *modestis prosecutionibus* (spontaneo ejus proventui, sub dextro *moderamine* indulgendo.) Sub quo regimine, sicut neque diei ullius respectu, neque *promptioris*, nedum *simultaneæ*, exonerationis ope, sed paroxysmorum veris justis *successibus*, felix obtinetur effectus: Ita omninò fit hoc per indolem febris *quà talis*, *secretoriam & excretoriam*; non tamen tam in genere solum opportunam, sed omninò magis in specie *statam*, secundum *paroxysmos* ipsos: Adeoque est utique etiam in hoc ipso effectu adhuc propriè spectabilis, illa ipsa hujusmodi *successivæ* exonerationis energia, ut secundum tales exonerationes *repetitas*, revera semper *sequens* paroxysmus, manifestò mitior æque, atque multo brevior sit *præcedente*: imò ita plusquam geometrica, ut loquuntur, progressionem, tota Febris ad salutarem finem properet.

LIV.

USUS autem verus atque solidus hujus ita distinctæ rei, ejusque considerationis exquisitæ, est omninò eximius duplex: unus *historico - theoreticus*: alter *Therapeutico - Practicus*.

Ille, consistit in vera *notitia* diversitatis, strictæ acceptionis *Criseos*, & ad illam pertinentium non solum *dierum* plane *propriorum*; Sed etiam *apparatum* solum *propriorum*: Et contrà veræ atque realis, *ordinatæ* omnimodo, & *determinatæ* etiam *successibus* insistentis, SUCCESSIONIS inquam, exonerationis febrilis. Quomodo, inquam, *Criticæ* febrium terminationes, servato velut in *unum diem*, & materiæ penu, & excretionis impetu, tunc demum *simul & semel* absolvantur. In *periodico* vero, sed tamen *intra suum* etiam *ambitum* incluso, SUCCESSIONE, exoneratio talis omninò *paulatim*, nequaquam tamen sine *ordinatis progressibus* fiat, & maximè in solidum tandem *salutariter*, tunc quidem & satis *alacriter*, desinat.

Secundus autem ille usus, consistit maximè omnium in prudentissimis, *periodicorum* imprimis talium SUCCESSIONUM exonerationum motuum, observationibus atque moderationibus: Sicuti *criticorum* adhuc magis necessariis huiusmodi *æstimationibus*. Sicut enim de his posterioribus nemo usquam *Praxeos* conscius in animum admiserit, quod non solum *Crises* tales DIRECTE imitari aut *supplere*, arti sit concessum; sed adhuc minus, quod tale quid *indifferenter*, *quolibet tempore*, quibuslibet *diebus*, præstare sit integrum: Ita non est etiam illud temeritati imperitæ dandum, ut vel illas SUCCESSIONES *periodicas* exonerationes, vel *ante tempora* periodica exagitare, vel præcipuis periodi veluti *cardinibus*, graviter *confundere*, & alienis *turbationibus* in transversum agere, pro re levi, nedum nihili, ducatur. Imò potius, & pro *positivo* usus huius stabilimento, etiam illa simplicior *perversio ordinis* atque *methodi Naturalis*, caveatur, ne etiam in illis successivis exonerationibus *ordo* temerè pervertatur, ut *impetu* potius aliquo, quidquam agendum reputetur, quàm ut illis Naturæ *spontaneis*, *moderatis*, & per *alternationes* etiam

iam *statas* variantibus *successibus*, commodè subserviando, etiam in eo rationi conformis *methodus* teneatur, ut *excretio* non solum secundum modulum *secretionis*, sed etiam maximè secundum hujus veluti *partitas vices*, rectissimè exercenda agnoscatur.

LVII.

Hæc, inquam, est debita illa *Cynosura*, secundum quam Medicus cordatus, *indolis* Febrium, imò *rationis* illarum præcipuæ, & consequenter etiam rationalis artificiosi *moderaminis*, atque subsidii ferendi, intellectu potitus, ante omnia *privativè* instruire debet suam *methodum*; ut nimirum *caveat*, ne his *successibus* & *progressibus* Naturæ spontaneis, *intentis* atque *sollicitis*, temerè præjudicium aliquod afferat: *turbet ordinem* secernendi & excernendi *generalior*em; *mensuram* vero exquisitissimam actionum Naturæ *specialior*em. *Positivè* vero, ut omninò magis *invigilet*, *successivis* potius illis, *tranquillioribus* atque *placidioribus* febrilis *secretionis* & *excretionis processibus*: quàm ut minùs peritè, & proinde etiam communiter infelicitè, ubique stricti sensus *Crises* speret: quod utique, sed omninò verè *sano sensu* intelligendum, Medici Practici meritò dissuadent.

LVIII.

Interim tamen etiam in hoc proposito nudas *crises non sperandi*, seu negotium Naturæ simpliciter non relinquendi, sed potius per *successivas tranquillæ exonerationes* absolvendi, quod tanquam in unam acervum relinquendo, difficilius sperari posset rectè eventurum, *periodi*, tempestorum inquam maximè *successuum* æque, atque universi harum rerum *ambitus*, & certissimus sit, & dexterrimè studiosissimus.

LIX.

Ita demum & illud verè percipiet, quomodo Febres etiam passim *sine Medicis*, aut quibuslibet *externis artificiis*, spontè & ordine verò atque perpetuo, *successibus* inquam & *mensuris* certis, optatum exitum assequantur: Et proximum

ab hoc, quomodo Febres, *alienis* artificiis, *contrario modo* tractatæ, aut ad minimum, in hoc *sui progressu*, *turbatæ*, heteroclitos & insolitos *progressus*, *mores*, & *exitus*, nanciscantur. Assumendo, pro regulâ inculpabili, observationem illam sincerissimam, quomodo *eiusdem speciei* Febres, sese gerant in patientibus, planè nullo *artificio* usis; tum aliis *artificio* quocunque usis: & denique, *certo uno* artifice usis. Quæ res iterum iterumque observanda utique veritatem hæcenus dictorum abundè commonstrabit.

LX.

Ut, quantum fieri potest, etiam *Practicam* aliquam quasi manuductionem ex his naturæ semitis assequamur; advertendus antè omnia est animus, ad *signa coctionis*, quæ diebus *indicatoriis* se manifestare solent: Utpote quibus apparentibus, tantò magis observandæ sunt *subsequentium dierum* opportunitates, non solum *generali* provido *regimine*, quod *transpirationis* quamlibet tardationem præoccupet: Sed etiam *in specie*, per qualiumcunque *paroxysmorum* decursus, *sensibilioris exonerationis sudatorie* legitimum liberum, imò liberalem placidum successum, promoveat potius, quàm ullo modo intervertat.

LXI.

In quo interim vero *opportunitatis* tempore revera longè plurimum situm est, in diversis speciebus febrium. Sicut enim v. g. in *Variolis*, & *morbillis*, talis veluti per *paroxysmorum* dimensiones distributa *excretio sudatoria*, etiam planè nullum usum aut effectum, habet; siquidem horum Exanthematum successiva exclusio, propriè & legitimè planè nullam *sudatoriam* excretionem, nedum *instata* tempora, & inprimis *alternando*, distributam, sociam aut ministram habet: ita esset certè alienum, directo quodam huiusmodi *regimine*, tali *sudatorio* scopo operam navare velle: Interim esse etiam in his ipsis febribus eo magis prudenter observanda, & scitissimè regenda, illa tempora, quibus, *per individua*, percipi solet, quod patientes *ægrius* habeant, (daß sie um solche Stunden un-

rühiger / ängstlicher / heißer / aut generali locutione , fräncker werden) ut maximè sub hujusmodi commotionum finem , debita *continentia* eò tranquillius fervetur , facilè suadebit solertius attendentibus , non magis ratio , quàm ipsa maximè circumspècta experientia.

LXII.

In talibus autem Febribus , quæ vel *jugem continuitatem* excretionis *halituofo-sudatoriae* indicant ; vel sensibilibus *paroxysmis* , *progressus* æquè atque *exitus* successivos prosequuntur , est certè longe major *angstia* decentis moderaminis necessaria : Priore casu , nequid intervertatur : Posteriore , nequid invertatur. *Prioris* exemplar , uti olim fuisse memoratur in *Sudore anglico* ; ita profert ejus etiam exemplum notatu longè dignissimum *Sydenham* , de *malignâ febre* post *pestem* adhuc gliscente ; quæ cum in patiente quodam neque medicamentis auscultaret , nec etiam spontè ullam quietem ferre videretur , quin summis *anxietatibus* , & multiplici vomendi conatu , ægrum miserrimè haberet ; adhibito solum , sub quantalibet *tranquillâ continentia* , regimine , ad eliciendum motum humorum *sudatorium* , & hoc etiam ita , sine aliis pluribus artificiis secuta , mox placidior reddita , imò , continuato tali moderamine , etiam salutariter in ordinem redacta est.

LXIII.

Alterius autem exemplar præbet inprimis Febris *petechizans*. Servat hæc , quando *simplex* est , nec etiam *turbatur* , non solum *invadendi* , sed etiam *quotidiè exacerbandi* , statas horas ; nempe *vespertinas* , *occasus æquinoctialis*. Circà has inquam horas , & *invadit* primo , & *recrudescit* sequentibus diebus : *angustiis* anxiiis , *æstu* ferociore , *siti* , *capitis* & *dorsi* doloribus , *agrypnia* , & omni moda magna *inquietudine* ; quod vulgò tanquam unâ summâ complectentes efferunt : Uim den Abend werde der Patient allezeit viel fräncker : Durant hæc ita ultra *mediam noctem* , imò vel ad *gallicinium* , aut *diluculum solstitiale* : Ubi sensibilibus mitescendo , spontaneam *avidam transpirationis* intentionem post se trahunt , (pro facilitate patientium etiam *sudatoriam* ,) cum sensibili , post duas aut tres horas , (*moderati successus*) majore levamine , nedum *remissione* acerbiorum illorum affectuum.

LXIV.

Hæc autem talis *successio* evacuationis hujusmodi , sicuti ante *quartum* diem rarissimè succedit , ita ab illo die in posterum , ita utique dexterri-
mè observari postulat , ut nihil omnino in illa temerè negligatur , nedum , quod antea innuimus , *invertatur*. Sicut enim omnis *paroxysmus* Febrilis , propriè est *apparatus ad certam excretionem* ; *secretione* tantisper adornata , secuturæ *excretioni* viam sternens : Ita non potest utique , sine manifesto periculo , ordo hic temerè *inerti* , ut nempe impulsus ad *excretionem* , (inprimis *importunius sudatoriam* ,) *versus* paxoxysmum , nedum in ipsum *paroxysmum* instruatur ,

Sicut enim *ordinatus* ille *successus sudatorius*, legitimo tempore factus, *periodicis* inquam ante omnia *diebus*, deinde etiam *paroxysmis* ipsis, reverà animam quasi constituit, salutaris *successus* & exitus *ordinatissimi* hujus Febris: Ita *pervertit* præsentsimè, *intempestiva*, imò perversa, aut potius *inversa*, *commotio* hujusmodi, in se, & decente ordine, salubris exonerationis, omnem bonum *successum*, & tantò magis universum eventum. Siquidem ita *patientes*, vel simpliciter, & tanquam *ingenere*, *anxiis* & *turbulentis* *turgescentiis* subjiciuntur: Vel *specialius*, *copiosissimis saturatis*, *maculis*, passim etiam cum interspersa asperitate *purpure miliaris*, ita exponuntur: Cum *faucium* & *oris* aphthoideis *malignis* inflammationibus, *mentis* alienatione, *convulsionibus* in mortem desinentibus. Quælia certè omnia, nisi *periodicorum* horum *successuum*, ab *indicatorio* AD *septenarium*; & habita sit optima ratio, & responderit etiam voto, perplexa sunt & periculola omnia: Si vero hæc observentur, & ita etiam obsequenter succedant, sunt omnia reliqua ita in proclivi, ut, nisi quidem merè ἀπὸ μηχανῆς aliquid alienum irrumpat, tota hæc febris sincerissimè *periodo septenaria* absolvatur. Nempè non solum ab *indicatorio* ad *septenarium*: Sed præcipuè etiam *inter* hos dies, per *singulos* inquam horum, plane *commensuratis* propriis, non solum in genere *horis*; Sed in specie, *paroxysmis*, id est, *secretorio excretoriis* *successibus*, omninò per *partitas* vices, licet intra certam periodum, generaliore *febrilem* indolem, (non specialiter solum *excretoriam*, *Criticam*, sed) *secretoriam*, & *secundum hanc excretoriam*, præstantibus.

LXVI.

Quamvis autem in hac maximè febre tam spontaneus talis *successus*, quam ejus per artem observata potius promotio, quam admissa forte interversio, totum quasi momentum felicitis, ante omnia vero maturi exitus, absolvunt: Ita sunt tamen in nulla etiam alia acuta febre, ullo modo negligendi pares *successus periodici*, in aliis etiam acutis: Id quod tanto facilius comprehendere potest sine dubio de ipsis diebus *indicatoriis*, quicquid etiam de *successu*, sive simpliciter *periodico ecritico*, sive *critico*, expectandum veniat. Cum enim *indicatorius* dies propriè initia prima faciat placidæ secretionis, imò excretionis aliqualis; Et hoc omnino ita exquisitè stato tempore: Facile certe fuerit comprehendere, quod tali die, qui juxta strictam acceptionem, ipsius maximè *criseos* quasi *primitias* fert, & primum quasi fundamentum jacet, hoc tali inquam die, aliquid temerè turbare, tantundem valeat, quam toti post eum *successui* præjudicium obtulisse, aut turbam concivisse.

T A N T U M,